

Wakita na a puwatertaa Paul ge emnde a AIFAISUS

Ga use á Paul

¹ Náwa wakita na yá aɲkwa puwetá bá iya Paul, a eksisaa ba Dadaamiya geni yá gevge slebela á Yaisu *Almasiihu, yá aɲkwa gakur use ge kure emnde á Dadaamiya am Aifaisus, ge kure emnde na ɲakurnaana elva á Yaisu Almasiihu an ervaunde á kure palle na. ² Tara Eddemiya Dadaamiya tá antara Yaisu Almasiihu, a magarakturánmaga ɲgurna, a varakurteva hairire.

Barka na á gaterá Dadaamiya ge emnde na garevge

*palle antara Yaisu *Almasiihu*

³ Galaumigála Dadaamiya Eddenjara ge Yaakadada Yaisu *Almasiihu, adaba a gamiyar barka am duksa bademme á sá am samaya, adaba gamiyevge palle antara Yaisu Almasiihu. ⁴ Dadaamiya ndza a dzeramise werre, kwaye zlaɓe ba duniya keni zlaɓe nderaaka emtsaade, geni mí de geva emnde cufedde, mí de gev palle antara Yaisu Almasiihu, watse baaka duksa mandzawe áte miya á katafke-aara. ⁵ Adaba wayamiwayire, Dadaamiya a dzeramise werre geni á de gamive egdzara-aara á kya erva an Yaisu Almasiihu. A maganaa á ba áte namaari-aara. ⁶ Daaci galaumigala Dadaamiya adaba

kwakyire á ngurna na a magaminaa ñane ba dey á kya erva an Egdza-aara na a wayanaa ñane na. ⁷ Adaba emtsa á Egdza-aara, Dadaamiya a naba lyamisehe, a yamiyaare haypa-aha á miya. Á maraminá an una ñanna kwakyire á ngurna-aara na á magamiyán ge miya. ⁸ Dadaamiya a magamiyaa ngurna kwakya ge miya á bá iya na wá, adaba a vamite ilmu, a gamive emnde a enkale geni mí diyeddiye názena á kátá maganá ñane na. ⁹ A maramise nasherire á duksa na ankwá á slaslaná ñane kwaye kinekineka, a njante geni á de maganá á kya erva an Yaisu Almasiihu na. ¹⁰ Duksa na á kátá maganá ñane na wá, amaana á de jemá duksa bademme, una am samaya, antara una áte haha bademme, á de yaná am erva á Yaisu Almasiihu. Daaci á de geva ñane slekse arge duksa-aha ñanna bademme má samsa laukte-aara.

¹¹ Dadaamiya ankwá á maga duksa bademme áte una ndza a slaslanaa ñane, a njante ganakini á de emmága na. Daaci a naba dzeramise kwaye kinekineka geni watse á de gamive emnde-aara á kya erva an Yaisu *Almasiihu, á de vamite dza á miya keni am duksa shagera na watse á de vaterte ge emnde-aara na. ¹² Daaci ñere Yahudiya-aha na ña emnde zunñwe ge fetaare áte Yaisu Almasiihu na wá, galaumigála Dadaamiya adaba una ñanna bademme na. ¹³ Ba estuwa ge kure keni. Am sarte na cenakuráncena elva a jirire, elva a Yaisu Almasiihu na Dadaamiya a lyakurse an ñane na, kwa naba fetarehe áte Yaisu Almasiihu. Daaci adaba gakurevge palle antara Yaisu Almasiihu,

Dadaamiya a naba fete damshe-aara áte kure, amaana Shedekwe Cufedfde na a ba Dadaamiya á de vamiteva na. ¹⁴ Dadaamiya a vamite Shedekwe Cufedfde nanna wá, ba seke namána. Una nanna ba seydire geni duksa shagera na a ba nane á de vaterteva ge emnde-aara na keni watse mí shansha bademme. Watse mí shá una nanna má lyamiselye náza ba ge dfekideki na. Daaci galaumigála Dadaamiya am yaikkire-aara.

Paul á nhalateru ilmu antara diya ge emnde a fetarfe

¹⁵ Adaba una-aha nanna egdzar mama-aha-aaruwa, yá anƙwa slafaná we-aaruwa kwakya ge Dadaamiya ádaba kure. Adaba cenanáncena labare á kure ganakini shagera fetarfire á kure áte Yaakadada á miya Yaisu *Almasiihu, cenanáncena zlafe ádaliye ganakini wayakurwáyá an emnde á Dadaamiya kwakya. ¹⁶ Ma vaatara keni yá anƙwa slafaná ba we-aaruwa ge Dadaamiya ádaba kure, yá anƙwa yehakuryeha jipu am maduwa-aha-aaruwa. ¹⁷ Yá anƙwa nala Dadaamiya Sak-sage, Dadaamiya á Yaakadada Yaisu Almasiihu na, geni á gakturvege emnde a ilmu, á marakuránmárá ire-aara an pute na kwá de diyeddiye nane ba shagera na. ¹⁸ Zlafe ádaliye yá anƙwa nalan ganakini á werakurta ice áte duksa-aha na a dfahakur ge nane na, antara geni kwa diyeddiye ganakini duksa-aha nanna jauje ge duksa bademme, a fakúr ge kure, antara emnde-aara umele bademme. ¹⁹ Zlafe ádaliye: Yá kátá kwá diyeddiye hákuma yaikke na jauje

ge duksa bademme anƙwa á maga slera ám miya emnde-aara na. Hákuma ɲanna wá, ba una ndza a magaa slera yaikke am Yaisu Almasiihu, ²⁰ am sarte na a tsantaa Dadaamiya am fáyá, a danaa á dem naɗafa-aara am samaya na. ²¹ Am samaya ɲanna wá, Yaisu Almasiihu de gevge slekse á malika-aha, antara male-aha-aatare, antara duksa-aha na tá án hákuma am samaya bademme. Ba ɲane palle una átire ge emnde bademme, una ma edda-aara a shaa eksle-ara keni. Ba ɲane palle una á kwárá emnde am duniya na, antara am duniya na watse á de sáwá na keni bademme. ²² Dadaamiya a fanem duksa bademme am erva ge ɲane. Zlabe ádaliye: a ganve slekse arge aiklaisiya-aara. ²³ Aiklaisiya wá, ɲane vuwa á Yaisu Almasiihu. Bademme á duksa na am Yaisu Almasiihu, anƙwa am aiklaisiya. Yaisu Almasiihu wá, ma am tate-ara keni, ɲane anƙwa bademme.

2

Tseta am emtsa geva an shifa

¹ Werre wá, ndza kwa ba seke emtsa á katafke á Dadaamiya aɗaba shagerkire an haypa-aha na kwa maganaa kure. ² Ma am zlalava á kure keni, ndza kwa ba palle antara emnde umele am duniya. Ndza kwa ɗaba ba male á jini-aha na an hakuma am zhegela na. Á maganá ba ɲane slera-aara am emnde na tá fansareka ge Dadaamiya ɗekideki na. ³ Werre wá, ba miya keni ndza mi ba seke emnde ɲanna, ndza mi maga ba názena á kataná ire á miya ge vuwa á miya. Aɗaba

una ṅanna, miya keni ma andze mí de shá zlaḍa kwakya áza Dadaamiya ba seke emnde a haypa umele. ⁴ Amá gafka estuwa, aḍaba Dadaamiya wayamiwaya kwakya, daaci a naba zamivarehe.

⁵ Ma ndza mi ba seke emtsa am ice-aara áḍaba haypa keni, aḍaba wayava-aara áte miya na wá, a naba shifamite átirpalle antara Yaisu *Almasiihu. Daaci kina wá, lyakurlya shifa á kure aḍaba ṅurna á Dadaamiya. ⁶ Aḍaba gamiyevge palle antara Yaisu Almasiihu na wá, Dadaamiya a naba tsamite átirpalle antara ṅane, kwaye a damiyaa á dem samaya, geni mí de njá am yaikkire áhuwa antara Yaisu Almasiihu. ⁷ Dadaamiya a naba magamiyaa shagerire estuwa á kya erva an Yaisu Almasiihu na wá, geni ma vaatara keni á maraterná an una ṅanna ge emnde baḍemme ṅurna yaikke na jauje ge duksa baḍemme na. ⁸ Ba jirire Dadaamiya a lyakurse aḍaba slera á kure-ka, ṅane a lyakurse áḍaba ṅurna-aara. Una duksa dey na a vakurtaa ṅane aḍaba kwa fetare áte ṅane. ⁹ Aḍaba slera á kure-ka, una ḍekideki, una ba ṅurna-aara, geni ma ware edda-aara keni a galeka ire ba dey. ¹⁰ Dadaamiya wá, a nderamihe, a vamite shifa áṅwaslire á kya erva an Yaisu Almasiihu geni mí maga ba duksa na shagera na. Shagerire ṅanna keni, a tsatsaminaa ba ṅane kwaye am fakta.

*Am erva á Yaisu *Almasiihu gamiyevge ba jeba palle*

¹¹ Aḍaba una ṅanna, yehauteyeha ba shagera geni kwaye am fantaufe, am jeba á kure

bademme ndza kwa ba emnde na baaka nadina á kure. Yahudiya-aha itare ta emnde na tá am shedekwe, ndza tá zharakur ba seke duksa ba dey adaba kwa baaka am shedekwe. Amá una ba duksa na tá maganá ba emnde áte vuwa-aatare. ¹² Yehauteyeha zlafe ádaliye ganakini am sarte nanna, kure ndza diyakurka elva a *Almasiihu dekidfeki, ndza kwa baaka am kezlakula á *Iserayiila-aha. Dadaamiya a ngudateraa namána-aha ge emnde-aara Iserayiila-aha, amá kure ndza kwa baaka am hufe-aara, ndza baaka tama á kure áte duksa á Dadaamiya dekidfeki, kure keni kwa ba emnde tsa am duniya na, aley ndza diyakurka Dadaamiya. ¹³ Werre, ndza kwa yiyiye an Dadaamiya. Amá kina wá, kwa herzhe an Dadaamiya áfaba gakurevge palle antara Yaisu Almasiihu na nane a naba yaa shifa-aara áte dzaᅇgala adaba kure na.

¹⁴ Shamiyansha hairire am dagave á miya antara kure kina keni, adaba ba gamiyevge emnde-aara. Werre wá, ndza anᅇkwa tegava am dagave á Yahudiya-aha antara emnde na baaka nadina-aatare, amá nane a naba se magaa pute geni mí gevge ba palle. A janaahe ge nane dugune na ndza ba seke riya am dagave á miya na an emtsa-aara áte dzaᅇgala. ¹⁵ Shairiya á Yahudiya-aha na a ba nane: Sey ká maga una bi maᅇka una na, a bezanaahe ge nane, geni á jaterme Yahudiya-aha antara emnde a jeba umele na baaka nadina-aatare na átirpalle. Ba seke una garevge palle am elva-aara na wá, daaci baaka gergerire-aatare mazla-aara, garevge ba palle, jeba anᅇwaslire. A feme estuwa

hairire am dagave á miya. ¹⁶ An emtsa-aara áte dzanjala nanna wá, Yaisu *Almasiihu a naba janaahe dugune na ndza am dagave á jeba-aha gergere nanna, a magaa pute geni tá gevge ba jeba palle. Zlabe ádaliye: a slapalateraahe bademme-aatare áza Dadaamiya. ¹⁷ Sawa-aara á sem duniya na wá, a se bala ba elva a hairire, geni kure emnde na baaka nadina á kure, ndza diyakurka Dadaamiya na, antara n̄ere Yahudiya-aha na diyan̄erdiya Dadaamiya na, bademmire á miya mí shansha hairire nanna. ¹⁸ Adaba nane, n̄ere antara kure bademme á miya shamiyánsha baráma á deza Eddemiya Dadaamiya an hákuma á Shedekwe Cuded̄de. Ba Shedekwe Cuded̄de palle una slemelamiyumele bademmire á miya.

¹⁹ Máki ba estuwa wá, kwa wayve-aha-ka mazla-aara, bi kwa emnde na ndza kwa sáwá an sawa, amá gakurevge ba emnde a larde miyenne, kwa emnde á Dadaamiya ba miyenne, kwa ba palle antara emnde umele na tá am huđe á há-aara na. ²⁰ Nabi-aha antara emnde a bela Yaisu *Almasiihu ta fantau ge slera nanna ba seke má tá faná ekte ge bere. Daaci kure wá, kwa ba seke nakwa-aha am dagave á nakwa-aha á nyaña bere nanna. Yaisu Almasiihu an ire-aara wá, nane nakwa na á n̄á ndzed̄a á bere nanna bademme. ²¹ Adaba barka-aara, bademme á bere á n̄já ba degdege, ámberá an̄kwa á wálá, geni á gevge bere cuded̄de na watse á n̄já Dadaamiya am huđe-aara na. ²² Ba seke una ni kure gakurevge palle antara Yaisu Almasiihu na wá, kure keni gakurevge dalbe palle am bere nanna. Kure antara emnde umele, bademmire á kure wá,

gakurevge ba seke bere ṅanna á nja Shedekwe á Dadaamiya am huḑe-aara na.

3

Slera na a faara Dadaamiya ge Paul

¹ Adaba ba una ṅanna, yá aṅkwa maga maduwa arge kure. Iya Paul yá am dangay kina, ádaba ba slera á Yaisu *Almasiihu ṅanna, ya maganaa am dagave á kure kwa emnde na baaka nadina á kure. ² Diyandiya ba jirire ganakini cenakurancena slera na a fiyaare Dadaamiya am dagave á kure, ba ṅane ṅanna zlaḑe ádaliye una a magiyaa ṅurna geni yá maganaamaga slera ṅanna. ³ Dadaamiya a naba marise názena am ire-aara, ba kinamina na keni ya zluwa á puwakurte ba ṅane cekwaṅgudí.

⁴ Má kwá aṅkwa ndaha egdza elva-aaruwa ṅanna ya puwakurtaa ya ba kina na wá, watse kwá naba diyeddiye átekwa ganakini diyandiya ya názena an sheḑe am elva a Yaisu *Almasiihu na baḑemme. ⁵ Am zamane-aha na dedde na wá, Dadaamiya ndza marateranka nasherire ṅanna ge emndimagwaha. Amá am salikataliya na wá, a naba magaa pute geni Shedekwe-aara Cufedḑe á maratersemare duksa ṅanna ba parakke ge nabi-aha-aara antara ge emnde a bela-aara. ⁶ Nawa ṅane nasherire ṅanna: Dadaamiya a fateraa duksa shagera ge Yahudiya-aha geni á de geva átuge itare. Amá kina wá, kure emnde na ndza kwa baaka am nadina na keni, kwá ba am huḑe-aara, aṅkwa dza á kure. Kure, antara Yahudiya-aha gakurevge ba emnde

a jeba palle mázla-aara. Daaci duksa na á ba Dadaamiya á de vaterteva ge Yahudiya-aha na wá, ge kure keni á de vakurteva. Bademme á duksa nanna wá, ba nampire á elva á Yaisu Almasiihu. Kwaya nane nasherire nanna.

⁷ Ganevge sleslera á Dadaamiya kina ge balatera labáre á higa, elva a Yaisu *Almasiihu ge emnde keni, una ndzeda-aaruwa-ka, ba hakuma á Dadaamiya. Ba nane una a magiyaa ngurna á una nanna. ⁸ Yá á kataliya ba iya am emnde á Dadaamiya bademme, aley Dadaamiya a naba magiyaa ngurna ba ge iya nanna keni, a give slebalatera rezegire na á zleka defekideki na ge emnde na baaka nadina-aatare. Rezegire nanna wá, a sanaa Yaisu Almasiihu, jauje ge diya á emnde bademme. ⁹ Zlabe ádalije maa, a magiyaa ngurna á palaterná názu a slaslanaa nane am ire-aara na ge emnde bademme. Ba nane Dadaamiya na a nderanaa nane duksa bademme una ndza a shebanve duksa nanna kwaye am fakta á duksa bademme. ¹⁰ Amá kina wá, Dadaamiya maresemáre duksa nanna am aiklaisiya-aara, geni tá nanna malika-aha na tá am samaya, antara male-aha-aatare bademme, lauktu tá de diyeddiye geni ilmu á Dadaamiya wá, ankwa gergere ba kwakya baaka zlakta-aara. ¹¹ Daaci Dadaamiya a maganaa á ba áte una ndza a njantaa nane kwaye am fakta geni watse á de emmága na. Bademme á una nanna a maganaa á ba á kya erva an Yaakadada Yaisu Almasiihu. ¹² Ba áfaba famitarefe áte Yaisu Almasiihu, gamiyevge palle antara nane na wá, daaci shamiyánsha barama á deza Dadaamiya

an baakire á lyawa. ¹³ Adaba una nanna, gazlauka defideki áfaba zlada na yá an kwa shaná ya áfaba kure na, táslawa á kure. Baira una nanna an kwa á melakurumele ge kure.

*Háyáva na á wayámiyá Yaisu *Almasihu an nane*

¹⁴ Adaba una nanna, yá an kwa kezlan uge ge Eddemiya Dadaamiya, yá maga maduwa arge kure. ¹⁵ Bademme á emnde-aara na tá am samaya na, antara emnde na tá am duniya, tá á ba an dada-aha-aatare. Bademme tá njá á ba áte ndzedá á Eddemiya Dadaamiya palle. ¹⁶ Yá an kwa nala áza Dadaamiya geni á ndzedakurtendzedá ba nane an hákuma á Shedekwe-aara, geni kwá gevge emnde a ndzendzedá áte unjule-aara. Á magakurá una nanna áte yaikkire-aara ge nane. ¹⁷ Yá an kwa nala ázenara geni a njiinja Yaisu *Almasihu am kure, áfaba fetarfire á kure áte nane. Zlabe ádaliye yá yekakuru wayavire, geni kwá wayaavewáye á ba an jirire am dagave á kure. Má kwá an kwa wayaavewáya am dagave á kure wá, kwá de gevge emnde ndzendzedá áte unjule-aara. Estuwa kwá tsaatse degdege ba seke náfá na má dámnda slalwe-aara ba shagera á dem haha na. ¹⁸ Daaci antara emnde a fetarfe umele átirpalle wá, kwá dzegwándzegwa eccena-aara ba shagera, geni Yaisu Almasihu wá, an kwa á wayamiwáyá á ba an jirire. Una ma kwá dálá á detire, ma kwá tsekwá á dem áhá, ma kwá deme keni, kwá de bera wáyáva á Yaisu Almasihu wá, á ba an kwa ba estuwa. ¹⁹ Yá an kwa nala Dadaamiya zlabe ádaliye: geni kwá

diyeddiye wáyáva á Yaisu Almasiihu na jauje ge diya á emnde bademme na. Má shakuransha una nanna wá, názena an nane Dadaamiya wá, am kure keni ba una nanna.

²⁰ Dadaamiya wá, baaka názu á janviyaaja ge nane. Baira nane á januje am duksa na mí ndavanuwá miya, antara una mí slaslaná miya na. Bademme á una nanna á maganá á ba an hákuma-aara na ankwá á maga slera am miya na. Galaumigálá ba nane palle. ²¹ Ma vaatara keni dem ba ge dekideki, yaikkire ba názá-aara palle am aiklasiya-aara, adaba Yaisu Almasiihu. *Aamin.

4

Geva vuwa palle

¹ Daaci, yá ankwá nhalákurá ba iya Paul, ya dangay adaba slera á Yaisu *Almasiihu, taslawá á kure: dabaudaba unñule á jirire áte una a dhakuraa Dadaamiya ge nane na. ² Ma vaatara keni gauga ire á kure á katafke á emnde umele, gawevge emnde a kemaare, gawevge emnde a farvaunđe, ma uwe keni naba bashaubasha am dagave á kure, kwá ámbera á wayaavewaye ba kelaazare. ³ Wavauwáva an ervaunđe á kure palle, geni a tegevka ye á kure na a jakurmaare Shedekwe Cudedđe, a vakurtaa antara hairire na. Ma vaatara keni njawinja á ba áte una nanna. ⁴ Aiklasiya wá, nane gevge ba seke vuwa á Yaisu Almasiihu, daaci baaka vuwa umele sey ba palle nanna. Shedekwe Cudedđe keni sey ba palle, tama á miya áte duksa na a dhamiyaa Dadaamiya ge nane na keni ba palle.

⁵ Yaakadada palle, fetarfire palle, baptisma keni baaka umele sey ba palle, ⁶ Dadaamiya palle, ba nane una Dada arge emnde bademme, á kwaraná nane duksa bademme, anƙwa am tate-aha bademme, am dagave á emnde bademme.

⁷ Yaisu *Almasiihu a naba magamiyaa ngurna bademmire á miya, a tegaamiyaa hakuma á mága slera-aha gergere, ma ge ware á miya keni bademme. ⁸ Anƙwa an puwa am wakita á Dadaamiya, a ba nane:

Am sarte na nane gaaga ndzedfa arge kelaade-aha-aara na wá, a naba sluwatervaahe, daaci a naba kapte an itare á detire. Á sáwá áhuwa maa, a dzerese emnde a slera-aara, a tegateraa hákuma á mága slera-aha gergere.

⁹ Elva na a ba nane: a kapte á detire na mu, á kátá bá uwe nane? Elva nanna wá, á kátá bá: ndza a tsekwese á sem duniya áhuna emtsaade.

¹⁰ Daaci edda una ndza a tsekwese á sem duniya na wá, ba Yaisu Almasiihu. Ba nane nanna zlaɓe ádaliye una a kapte á detire ge samaya geni á jemá duksa bademme, ma una am tate-ara keni, á kwaraná ba nane palle. ¹¹ Daaci a tegateraa slera-aha ge emnde-aara, ma ware keni á ba an slera-aara. Emnde umele a gaterve emnde a bela, ge emnde umele a vaterte slera á nabiyyire, ge emnde umele a vaterte slera á bala waazu ma am tate-ara keni bademme, ge emnde umele a vaterte slera á malumire, ge emnde umele zlaɓe ádaliye a vaterte hákuma á kwaraterse wakita á Dadaamiya ge emnde.

¹² A ɓazlaa emnde ɓanna baɗemme geni tá fatermá itare ndzedá am vuwa ge emnde a fetarfe am slera-aatare, geni aiklasiya na gevge ba seke vuwa á Yaisu *Almasiihu na, á far wálá ba kelaazare. ¹³ Daaci miya baɗemmire á miya mí de gev ba palle, fetarfire á miya palle, diya á miya áte *Egdza á Dadaamiya na ba palle. Daaci mí de gevge emnde na gyamiyebgye am fetarfire, mí de gev ba kalkale antara Yaisu Almasiihu an ire-aara. ¹⁴ Má gamiyevge estuwa, enkale á miya á de gevka seke náza á egdzara mesheshe mazla-aara. Daaci tá de dzegwánka zlermamizlerma emnde a fida an yaimyaimire-aatare, tá de dzegwánka jamiyaa áte unɓule á jirire an tsaha fida. ¹⁵ Miya wá, magaumimága ba jirire am dagave á miya, wayaumiyaavewáye an ervaunɗe á miya palle, lauktu mí de far an wálá am duksa baɗemme, mí de gevge kalkale-aara ge Yaisu Almasiihu na ɓane ire á aiklasiya na. ¹⁶ Ba ɓane una a jatermaare ge emnde-aara a gaterve palle, áte ye palle, ba seke una vuwa á urimagwe: ubiya-aha antara duksa-aha umele tá an dzagwa átirpalle na. Daaci, má vuwa ɓanna ba lapilayye, duksa-aha na tá am ɓane tá maga ba slera wá, vuwa baɗemme á wálá ba shagera. Ba duksa palle ge emnde a fetarfe keni: má tá anɓkwa wayaavewáye ba shagera wá, á wálá aiklasiya.

*Shifa áɓwaslire na mi shanaa áza Yaisu *Almasiihu*

¹⁷ Adaba una ɓanna, náwa názu yá ndahakurá ya an zhera á Yaakadada: táslawa á kure,

dawalika mágá názena tá maganá emnde na baaka nadina-aatare na. Adaba itare tá dzama ba názena ni baaka nampire-aara dekideki na. ¹⁸ Tá taa cenevaaka jirire dekideki, tá shanka shifa anwaslire na a vatertaa Dadaamiya ge emnde na, adaba degdegire á ire na tá maganá itare, baaka duksa na ta disaa itare áte unjule á Dadaamiya. ¹⁹ Itare baaka zherwe-aatare dekideki. Názena tá kataná itare an ervaunde-aatare bademme wá, sey ba dakarire, antara duksa zherwe bademme.

²⁰ Amá ekkure wá, kwa tsahese une-ka áza Yaisu *Almasiihu. ²¹ Ekkure emnde na gakurevge palle antara nane na wá, ba jirire cenakurancena elva-aara. Ekkure wá, kwararakursekware jirire na a saminaa nane na. ²² Daaci ekkure wá, eptsawaneptse iga ba dekideki ge duksa-aha nanna shagereka ndza kwa maganaa kure werre na. Adaba am njá á kure werre nanna, ndza a jakuraa enkale ba duksa-aha mandzawe na a katanaa ervaunde á kure na, a kedakuraa ba nane. ²³ Amá yawánya a mbedakursembeda Dadaamiya ervaunde á kure bademme, á gakurvege anwaslire, kwá gevge ba seke ndza kure-ka. ²⁴ Daaci gawuvge anwaslire am ervaunde á kure bademme áte una a mbedakursaa Dadaamiya, geni kure keni kwá gevge ba seke nane ám njá á kure bademme. Ba jirire, jeba á nja nanna wá, cudedde, wayaawáya Dadaamiya.

²⁵ Adaba una nanna, yawánya fida mazla-aara. Ma ware á miya keni a enndaha ba jirire áza ukfenjara, adaba gamiyevge palle, mi

ubiya-aha á vuwa á ura palle. ²⁶ Ma jákurja ervaunđe ba jipu keni, magauka haypa am hufe-aara. Zlađe ádalije: a belyakuraareka vaciya kwásau zlađe kwá maga ba ervaunđe ɲanna. ²⁷ Yawanánka baráma ge Shaitaine đekideki. ²⁸ Ma edda una neyle keni, a yánya mazla-aara. Arge una ɲanna ambane ɲane keni a emmága slera á jirire, geni ɲane keni á vaterte duksa ge emnde na tá anƙwa zatervaare emnde. ²⁹ Valyauka elva yaiyaihe am mbuwe á kure, ndahaundaha ba elva á námpire, elva na emnde tá de shá ndzedá an ɲane, tá wálá an ɲane áte unjule á Dadaamiya na. ³⁰ Becawanteka Shedekwe Cudedđe na anƙwa am ervaunđe á kure na. Shedekwe Cudedđe ɲanna, ɲane gevge ba seke damshe á Dadaamiya áte kure geni kwa emnde-aarire. Daaci vacite umele watse á lyamiselye náza dem ba ge đekideki. ³¹ Daaci duksa mándzawe, sawansese am ervaunđe á kure bademme: ma dugune, ma ica ervaunđe, ma zláza ura, ma dágala, ma danjwire, sawansese jeba á duksa-aha ɲanna bademme am ervaunđe á kure. ³² Kure wá, magaumága ba shagerire á ervaunđe am dágave á kure, magaumága kamaarire, yawanáreye haypa ge ura am dágave á kure, ba seke una Dadaamiya a yakuraare haypa ge kure áfaba Yaisu *Almasiihu na.

5

Zlálá ám parakkire

¹ Ekkure wá, kwa egdzara á Dadaamiya, a wayákuraa ɲane. Adaba una ɲanna,

dabaudaba ba sera-aara am názena kwá maganá kure bademme. ² Am duksa na kwá de maganá kure bademme wá, yawánka wáyávire, ba seke una a wayámitaa Yaisu *Almasiihu ge miya, a naba yaa shifa-aara sadake ge Dadaamiya adaba miya na wá, a magaa duksa na a katanaa Dadaamiya.

³ Kure wá, kwa emnde á Dadaamiya. Adaba una nanna, duksa ba seke gwardzire, fa ice am duksa á ura, antara jeba á duksa-aha nanna shagerka d'ekid'eki na, ba ettsála-aara keni zlayeka d'ekid'eki am dagave á kure. ⁴ Zlabe ádaliye elva-aha na á maga zherwe, antara elva-aha na baaka sera-aara d'ekid'eki na, ira elva-aha na á de waterwá am ervaun'de ge emnde na bademme, una-aha nanna zlayeka am dagave á kure. Arge una-aha nanna wá, slafawanánsrafe ba we á kure ge Dadaamiya ádaba duksa na a magakurnaa nane na. ⁵ Diyaweddiye una ba shagera: emnde a maga gwardzire, bi jeba á duksa-aha nanna shagerka d'ekid'eki na, antara fa ice am duksa á ura, baira una nanna ba kalkale antara mága hele, emnde a mága duksa-aha nanna wá, ba palle-aatare keni á shanka dem zlanna á tara Yaisu *Almasiihu an Dadaamiya.

⁶ A kefarakuraaka emnde ba dey an elva-aha na baaka nampire-aara d'ekid'eki na. Adaba ba una-aha nanna, an zládá ervaun'de á Dadaamiya jipu áte emnde a maganaa gardire bademme. ⁷ Daaci a jakurmeka duksa antara jeba á emnde nanna d'ekid'eki. ⁸ Werre wá, ndza kwá am tabedammire. Amá kina wá, kwá am parakkire

adaba gakurevge palle antara Yaakadada. Daaci kure keni magaumağa ba duksa na ni tá maganá emnde na tá am parakkire na. ⁹ Adaba parakkire wá, nane á sá ba shagerire antara maggwire, ira jirire. ¹⁰ Wavauwáva an ervaunđe á kure palle ge diya názena á kataná Yaakadada. ¹¹ Gawaterápteka ge emnde a máğa názu watse baaka nampire-aara đekideki, una ba slera á tabedammire na. Amá marawateránmara shagerkire na tá anƙwa maganá itare na ba parakke. ¹² Duksa na tá maganá jeba á emnde nanna an nasherire wá, ba enndaha-aara keni zherwe ge miya. ¹³ Amá má mí ndaaternda duksa-aha á zherwe nanna ba parakke wá, emnde bademme tá de diyeddiye nja-aatare ba shagera. ¹⁴ Adaba duksa na má sesse am parakkire, duksa nanna keni gevge parakkire. Adaba una nanna, ta bantsaa: Ekka na ká am hare na, tsetse am hare, tsetse am emtsa, Yaisu *Almasiihu á maraká parakkire.

¹⁵ Adaba una nanna, magaumağa enƙale ba shagera am njá á kure bademme, geni de gawevka emnde a cekwire á enƙale, amá gawevge emnde a enƙale. ¹⁶ Zamane á miya na degiya badzábbadze. Kefawanaaka sarte ba dey, magaumağa shagerire. ¹⁷ Adaba una nanna, gawevka emnde a cekwire á enƙale, cenaucena názena ni á kataná Yaakadada ázekure na.

¹⁸ Zlađe adaliye: a dakurseka mbazla am enƙale đekideki, adaba á keđákurá ba una nanna. Kure wá, nawantenaha ervaunđe á kure an Shedekwe Cufedđe. ¹⁹ Ma ware á kure keni galaugálá Yaakadada am dagave á

kure. Galaugálá an jabura, galaugálá an lahe-aha na á vakurtá Shedekwe Cufedde na, antara lahe-aha umele bademme. Galaugálá Yaakadada an ervaunde á kure palle. ²⁰ Slafawanánsrafe we á kure ge Eddemiya Dadaamiya ba ke-laazare adaba duksa-aha na a maganaa nane na bademme, slafawanánsrafe we an zhera á Yaakadada á miya Yaisu *Almasiihu.

Nwasha antara zála-aha-aatare

²¹ Ma ware á kure keni, faufa zherwe am dagave á kure, adaba kwa emnde na kwá an lyawa á Yaakadada. ²² Yá elvan ge kure nwasha: Faufa zherwe áte zala-aha á kure áte una á kataná Yaakadada Yaisu *Almasiihu na. ²³ Adaba ba zhele una á kwara mukse, ba seke una á kwaraná Yaisu Almasiihu aiklaisiya, aiklaisiya gevge ba seke vuwa-aara na. Nane wá, ire antara slelya. ²⁴ Adaba una nanna, sey nwasha tá fa zherwe áte zála-aha-aatare am duksa bademme, ba seke una anjwa fáná aiklaisiya zherwe áte Yaisu Almasiihu am duksa bademme na.

²⁵ Ekkure keni zála: wayauwáyá nwasha-aha á kure ba seke una a wayanaa Yaisu Almasiihu aiklaisiya-aara, a naba yaa shifa-aara adaba nane, ²⁶ a baranve tsefanje an yawe, antara elva-aara, geni á ganvege cufedde. ²⁷ A magaa una nanna bademme na wá, adaba á kátá zhara aiklaisiya-aara ba tsefanje á katafke-aara, zariya jipu, cufedde, á gevge an daradza baaka duksa mandzawe áte nane. ²⁸ Ba duksa palle ge zála keni: Wayauwáyá nwasha-aha á kure ba seke shifa á kure. Ma ware una zhele,

wayetewáyá mukse-aara, a wayete ba shifa-aara. ²⁹ Baaka ura á magantá kelaadire ge ire-aara, amá á zanu duksa, á fanu hyema ba seke una anƙwa á fanuwa Yaisu *Almasiihu hyema ge aiklaisiya na. ³⁰ Adaba bademmire á miya na wá, mi ba seke ubiya-aha antara duksa-aha umele na am vuwa-aara na. ³¹ A ba wakita á Dadaamiya wá: A sesse zhele am mba á eddenjara, a njarinja antara mukse-aara. Itare ta buwa ɲanna tá de gev ba vuwa palle. ³² Elva na am wakita á Dadaamiya ɲanna wá, a sanse elva yaikke. Ate iya wá, anƙwa á pálá elva a Yaisu Almasiihu antara aiklaisiya-aara. ³³ Amá wá, antara ba názá á kure keni, geni ma ware á kure keni a ewwáyá mukse-aara ba seke shifa-aara, mukse keni a effa zherwe áte zhele-aara.

6

Náwa tá nja estuwa egdzara antara emnde a há-aatare

¹ Ekkure egdzara, cenaucena elva á dada-aha á kure an mama-aha á kure, adaba una ɲanna duksa na á kataná Yaakadada ázekure, zlayákurzláyá ge kure na kwa emnde-aara. ² A ba palle á shairiya-aha á Dadaamiya wá: «Effa zherwe áte tara eddenja an emmenja.» Zunɲwe ba una ɲanna am shairiya-aha á Dadaamiya na a ba Dadaamiya, á de vaterte duksa ge emnde na má dɔabartedɔaba an jirire na. ³ Duksa ɲanna wá: Ká de gedetegedɔa, ká de shekwaashekwa am duniya, á bina.

⁴ Ekkure dada-aha á egdzara keni, zladawaterveka ervaunɔde ge egdzara á kure,

amá kwarawatersekwáre duksa, kwá ámbere
giyatergiya áte una á de kwarakursá Yaakadada
Yaisu *Almasiihu.

*Náwa tá nja estuwa náve-aha antara dada-
aha-aatare*

⁵ Ekkure náve-aha, fawatersarefe ge dada-aha
á kure am duniya. Faufa zherwe áte itare,
gawanaaga ire á kure á katafke-aatare, maga-
umága slera á kure an ervaunđe á kure palle, ba
seke una kwá anƙwa fansaare ge Yaisu *Almasi-
ihu na. ⁶ Magauka slera adaba ice-aatare geni a
galarakurgálá, amá zharauzhára ire á kure ba
seke kwá náve-aha á Yaisu Almasiihu. Maga-
umága názena á kataná Dadaamiya an higa á
kure campaukkwe am ervaunđe. ⁷ Magaumága
slera á kure an ervaunđe palle, ba seke kwá
magaterán ge emnde-ka slera nanna, amá kwá
maganán ge Yaakadada. ⁸ Diyaweddiye una ba
shagera: ma ware una á maga ba shagerire na,
edda-aara ma náve, ma á kwaraná nane ire-aara
keni, watse á de pelansepele Yaakadada Yaisu
Almasiihu.

⁹ Ekkure dada-aha á náve-aha keni: Mag-
aumága shagerire á ervaunđe áte náve-aha
á kure, gawaterteka lyáwa, diyaweddiye geni
kure antara náve-aara á kure bademme Edda
á kure ba palle, anƙwa am samaya. Nane wá,
bademme á emnde ta ba kalkale ázenjára.

Kazlaŋa á wáwa á emnde a fetarfe

¹⁰ Náwa jugená á elva na yá bakurná ya
ge kure. Ekkure wá, tatayautátaya ndzedá
á kure á ba áza Yaakadada, yawánya a

ndzedakurtendzedá ba ñane an hakuma-
aara na jauje ge duksa bademme na.
11 Ngwadawápsengwada ba shagera an kazlaja
na a vakurtaa Dadaamiya na bademme,
tsawaatse ba shagera an ñane, geni ma watse á
sawa am laukte-ara Shaitaine ge badakurbáda
keni, kwá gáná ba kure ndzedá. 12 Wáva á miya
ñanna wá, degi mí wava an emndimagwaha-ka,
mí wava an male-aha á jini-aha, antara jini-
aha-aatare na tá an hákuma am zhegela antara
am duniya bademme na. 13 Adaba una ñanna,
ngwadawápsengwáda ba shagera an kazlaja
na a vakurtaa Dadaamiya na bademme, lauktu
kwá de tsaatse degdege am sarte á emtanjire,
kwá de dzegwándzegwa, kwá de gevá midala-
aha dete halawuwa-aara bademme.

14 Daaci, njawinja am niya á kure ba kelaazare;
tsawaatse á ba áte jirire. Adaba jirire wá,
gevge ba seke náza nguda hude á kure ge kure.
Zlabe ádaliye, magaumága dzayyire á ervaunđe.
Má kwá anjka maga dzayyire á ervaunđe wá,
una ñanna ba seke kwá tsekweme am kebebbe.

15 Balaubálá labara á higa, elva a Yaisu *Al-
masiihu na á de vatertá ñane hairire ge emnde.
Yawánka cfekideki. Una ñanna keni maa, gevge
duksa na kure kwá tse átekwa, ba seke kimake
na am sera á kure ge dába unjule á Dadaamiya.

16 Ma vaatara keni, gulawanaaka fetarfire á kure.
Una ñanna ba seke tsakuraatse am gulakwa ge
lyiya gurme-aha na á devaná Shaitaine á se
wakurwa an ñane na. 17 Eksawanteksa am er-
vaunđe á kure geni á lyákurlye Dadaamiya. Una
ñanna ba seke tunjkur ge tsufakura ire á kure.

Zlabe ádaliye, ñawanaaṅa elva á Dadaamiya an ervaunḡe á kure palle. Una ṅanna keni ba seke masalám á kure a vakurtaa Shedekwe Cufedḡe. ¹⁸ Njalaunáala Dadaamiya ba kelaazare am laukte-aha baḡemme. Njalaunáala an ervaunḡe á kure palle áte una á de marakurná Shedekwe-aara. Ma vaatara keni melawaterumele ge emnde a fetarfe umele an maduwa-aha á kure, yawanka una ḡekideki. ¹⁹ Magaumága maduwa arge iya keni, geni yá ndáhá elva á Dadaamiya ba parakke, yá palaternaapálá labare á higa na a tsekwanaa Dadaamiya na ge emnde. ²⁰ Adaba una ṅanna, una ma yá am danḡay keni, ya ba slebela á Yaisu Almasiihu. Daaci melawiyumele an maduwa geni a gazlanka ḡekideki, amá yá enndaha baḡemme áte una á kataná Dadaamiya.

Ga use am halavuwa á elva-aha

²¹ Egdza emmemiya Tikikus na mí wayaná an ervaunḡe á miya palle, ṅane keni ba sleslera á Yaakadada Yaisu *Almasiihu an ervaunḡe-aara palle na wá, á de palakurnaapálá ba ṅane labare-aaruwa, antara duksa na yá anḡwa maganá ya baḡemme. ²² Yá belán ba ge una á dezekure, geni kure keni kwá diyeddiye zláláva á ṅere áhuna, antara geni á de ekhyakurnaakhya ervaunḡe.

²³ Tara Eddemiya Dadaamiya, tá antara Yaakadada Yaisu Almasiihu, a varakurteva hairire, a faremfa háyávire am dagave á kure, a magarakuránmaga ṅurna geni kwá farfe ge fetar áte Yaisu Almasiihu á ba an jirire. ²⁴ A magateránmaga Dadaamiya ṅurna ge emnde

na wayarwáya an Yaisu Almasihu ge shifa-
aatare am duniya bademme na.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d